


十五



世家卷第十八

高麗史十八



正憲大夫工曹判書集賢殿大提學知經筵春秋館事兼成均大司成臣鄭麟趾奉教修

毅宗二

癸酉七年春正月辛卯朔放朝賀 癸卯賜元子名泓後

改稱祈 甲辰燃燈王如奉恩寺 乙卯出御長源

亭 二月辛未以于邠宰為刑部尚書 癸未還壽

昌宮 己丑王如靈通寺 三月乙未幸普濟寺設

五百羅漢齋 辛亥幸興聖寺 夏四月己卯冊子

泓為王太子赦加內外文武兩班散職兼賜田柴

丁亥宴群臣於大觀殿 六月己未朔王如奉恩寺

庚申穆清殿灾 癸酉王受菩薩戒 甲申移御
安和寺 金告改天德五年為貞元元年 秋七月
丙申遷新闕 壬寅設盂蘭盆齋於奉元殿 八月
丙寅御宣仁殿論決重刑 甲戌出御長源亭 賜
郭元等及第 冬十月辛酉御史臺伏閣論事 丁
卯王還宮 十一月 己亥設八閩會幸法王寺 瑛
耽羅縣徒上仁勇副尉中連珍直等十二人來獻方
物 壬寅金遣少府監何勒根彥忠來賀生辰 是
月遣起居舍人崔姿伯如金賀興節禮部員外郎尹
鱗瞻謝賀生辰御史雜端李陽神建方物禮部員外
郎朴儒賀正

甲戌

八年春正月丙寅以崔子英判兵部事金求錫為尚

書左僕射判工部事 丁卯燃燈王如奉恩寺 乙

亥冊王弟收為平涼侯 丙子出御長源亭 己卯

御慶豐殿召扈從文臣命賦青郊驛獻青牛詩直翰

林院金孝純等十四人合格賜物有差并賜酒果

壬午召知門下省事崔允儀樞密院使任克忠曲宴

于陽和樓夜艾而罷 二月辛亥以仁宗忌日飯僧

于內殿 癸丑幸敬天寺 三月丙辰召崔允儀任

克忠金存中等六人曲宴于陽和樓 戊午幸國清

寺 庚午還宮 夏四月丙申親禱于大廟 戊

月癸丑朔日食 出御長源亭 參知政事致仕尹

誦卒 閱兵于東郊 賜皇甫倬等及第 六月戊戌金遣大府少監梁彬來賜羊二千頭 秋九月創西京重寺興 冬十月庚辰朔饗老人又餼僧三萬 是月開蘇恭縣河渠未卒其功 十一月丙寅金遣大府少監李珪來賀生辰 是月遣金求寧如金進方物奉說謝賀生辰 金仁愈謝橫賜 乙亥九年春正月辛亥以大府卿崔哀偁為西北面兵馬使 試刑部侍郎許純為東北面兵馬使 副 己未餼僧于奉元殿 壬戌燃燈王如奉恩寺 乙亥出御長源亭 二月丁亥給事中閔懿左司諫朴得齡等伏閣論事不報 乙巳餼僧于內殿 丁未出御敬

天寺 三月壬戌還宮 庚午出御長源亭 癸酉以崔子英權判尚書吏部事 崔允儀權判尚書兵部事 乙亥出御國清寺 夏四月庚子還宮 五月丁未朔日食 辛亥端午謁景陵殿 庚午以崔子英判吏部事 西京留守事 甲戌以梁元俊知門下省事 任克忠為樞密院使 翰林學士承旨太子賓客 六月丁丑朔王如奉恩寺 辛卯王受菩薩戒于修文殿 乙未以崔子英為西北面兵馬判事 兼判中軍兵馬事 崔允儀為東北面兵馬判事 兼判中軍兵馬事 文公裕副之 秋八月丙子朔出御長源亭 宋明州歸我漂風人知里先等五人 辛卯幸國

清寺 丙午召平章事崔子英知門下省事梁元後
起居舍人崔委伯左司諫朴得齡左正言許洪材右
正言崔祐甫訪問國政 冬十一月戊子設八閩會
幸法王寺 癸巳金遣使來賀生辰 是月遣右司
員外郎金純如金賀龍興節刑部員外郎金溫中謝
賀生辰戶部郎中崔子範賀正左司諫朴得齡進方
物 十二月刑司空璋爵 戊申宴金使于大觀殿
宋歸我漂風人三十餘口 門下侍郎平章事庚

弼卒

丙子十年春正月癸卯朔放朝賀

丙辰燃燈王如奉恩

寺 三月壬寅朔幸國清寺

壬子置祈福道場于

內教 是月以左承宣金存中為太子少保 夏四

月甲午王如興王寺轉華嚴經初王無嗣典妃金氏

誓若生子當成金銀字華嚴經四部及元子生寫成

二部修興王寺弘教院藏之改額弘真大設法會以

落之 丙申還宮赦大辟以下凡從事法會者皆職

賞 五月辛亥雨雹 六月辛卯賜黃文莊等及第

秋七月丙寅彗見東方 八月丁丑以彗星未滅

赦二罪以下流者量移 甲午遣尚書韓縉如金賀

上尊號 九月乙巳御史臺吏脫內官禁服王怒囚

其吏 丁未定安公任元厚卒 冬十月乙亥設藏

經道場于宣慶殿 壬午飯僧五伯于內殿 召平

章事崔允儀李之茂知樞密院事申淑右承宣李元
膺右副承宣金胎求國子監大司成金永胤寶文閣
學士金永夫知閣門事崔溫給事中崔應清內侍殿
中監崔哀稱御史雜瑞金錫等入穆清殿周覽善教
齎養性亭及御苑花卉賜曲宴于冲虛閣初王于大
內東北隅起一閣扁曰冲虛金碧鮮明又於內閣別
室居善藥意欲廣治衆病扁曰善救寶又構亭其側
聚恠石名花扁曰養性 閏月壬寅以平章事李之
茂為太子太保以代金存中 是月金改貞元四年
為正隆元年避世祖諱以豐字代隆字行之 十一
月壬午設八閩會幸法王寺 乙酉金遣定遠將軍

耶律遵禮來 辛卯宴金使於大觀殿 十二月丙
午慮囚 乙丑以東北面兵馬副使李公升為樞密
院左副承宣

丁丑

十一年春正月戊辰朔故朝賀 庚辰御睦親殿召
極世僧統玄曦等二伯餘僧祈福設齋 癸未召翼
陽侯及宰臣崔允儀李之茂等置酒便殿至翼日午
時乃罷 乙酉出御長源亭 辛卯王如國清寺遂
幸敬天寺有司以行在所狹隘請去史官王曰史官
記予言動不可暫離 二月己亥中書侍郎平章事
致仕高北基卒 戊申王還宮 流弟大寧侯暉于
天安府 癸丑出御敬天寺 丁巳彭夢齡守八人

群聚賭博並流南州 三月壬申移御長源亭 是
夜尚乘局災延及御輦 庚辰移御天壽寺 癸未
流禮賓卿李仲齊及家屬于南島仲齊妻李氏尚書
福林之女性惡嘗語僕有不臣語僕妻素怨李遂狀
許于宦寺以聞王怒命近臣面縛李氏以來闔家流
竄自是讒言交構王多疑群臣 夏四月丙申朔闕
東離宮成宮曰壽德殿曰天寧又以侍中王冲第為
安昌宮前叅政金正純第為靜和宮平章庾弼第為
連昌宮樞密院副使金巨公第為瑞豐宮又毀民家
五十餘區作大平亭命太子書額旁植名花異果奇
麗珍玩之物布列 左右亭南鑿池作觀瀾亭其北構

養怡亭蓋以青瓷南構養和亭蓋以梭又磨玉石築
飲笑美成二臺聚怪石作仙山引遠水為飛泉窮極
侈麗群小逢迎民間珍異之物輒稱密旨無問遠近
爭取馱載絡繹於道民甚苦之 戊戌命宰樞臺諫
侍臣等遊覽壽德宮因賜酒食 庚子王入御壽德
宮 壬寅御觀瀾亭曲赦二罪以下復鄭誠職凡預
營繕者皆賞之 癸卯幸晉濟寺遂移御天壽寺
乙巳^王以真絲四百斤買平章事文公元第為巡御所
甲寅王還宮 甲子榮儀奏曰來歲國有灾宜修
古寺以禳之 王率百官幸海安寺相風水 五月
壬申御密殿召見平章事崔允儀右丞宣李元膺等

賜犀紅鞵帶各一腰是夜王率內監伶人巡宴林亭
至曉不輟 癸酉夜亦如之 丙子以朴純冲為樞
密院副使 王聞東海中有羽陵島地廣土肥舊有
州縣可以居民遣溟州道監倉敎中內給事金柔立
往視柔立回奏土多巖石民不可居遂寢其議 甲
申幸觀靜寺相風水遂如國清寺 乙酉移御安和
寺 六月戊申金橫宣使大府鄉張詰來 辛亥至
自安和寺 戊午宴金決于大觀敎 秋七月戊子
宋商獻鸚鵡孔雀異花 八月己亥王還壽德宮
乙卯幸摠持寺召往持懷正遊賞林亭留題祈福詩
二首絕宣示牽樞侍臣扈從百官軍卒露宿林壑頗

多愁嘆懷正唯以况喋得幸恩寵無比凡僧徒求職
賞者皆趣附賄賂貪鄙無厭 辛酉王欲置離宮于
金吾衛堤上里平章事崔允儀切諫乃止 壬戌出
御長源亭 九月癸亥朔命內侍朴允恭增營壽德
宮 辛未移御天壽寺 翼日移御興王寺 冬十
月癸巳朔還移天壽寺 壬寅以大府寺油蜜告匱
徵歛諸寺院以充齋醮之費 乙卯幸外帝釋院
丁巳飯僧三萬于毘庭三日 十一月癸亥朔王還
宮 遣工部郎中李光縉如金謝賀生辰刑部員外
郎朴育和謝橫賜刑部員外郎金敦中賀正禮賓少
卿崔令儀進方物工部員外郎金嘉會賀龍興節

丁丑設八閨會是夜召平章事崔允儀李之茂承宣
李元膺崔棗偁等遊賞林亭賜曲宴 己卯金遣少
府監完顏德壽來賀生辰 癸未冊長女為敬德宮
主第二女為安貞公主第三女為順和宮主是夜召
宰樞近臣曲宴于天寧殿 甲申出御普濟寺 戊
子還宮 辛卯宴金使于大觀殿 十二月癸丑詔
以鄭誠私第為慶明宮陰陽家以為大舉頭伏主之
勢不宜臨御不從 戊午以李之茂監修國史崔誠
為政堂文學金永夫知樞密院事太子賓客任克忠
守司空

戊寅十二年春正月甲戌還宮 二月乙未出御興王寺

庚子移御天壽寺 戊午王還宮 己未以仁宗忌
日飯僧於大平亭時王好作佛事錙徒盈溢宮庭恬
恃恩寵附託宦官侵擾百姓競造寺塔為害日甚
庚申王如靈通寺 三月辛酉朔日養 丁卯降死
罪流以下原之入赦西京叛逆充為奴婢者 壬申
幸壽德宮宴宰樞臺閣侍臣于大平亭仍許遊賞御
苑花木 壬午大酺國內老人 夏四月乙巳命平
章事崔允儀知門下省事申淑同知樞密院事金永
夫醮于賞春亭禱雨 戊申再雪 五月乙丑幸安
和寺賦石井詩令宰相詞臣和進 丙寅大雨雹
己巳白虹貫日 辛巳賜金正明等及第 戊申移

御安和寺 秋七月己未太白晝見 辛酉亦如之
甲申王還宮 八月庚子尚書刑部奏決重刑
乙巳以朴純冲知門下省事 丙午出御天壽寺癸
丑移御安和寺 甲寅太史監侯劉元度奏白州免
山半月岡實我國重興之地若營宮闕七年之內可
吞北虜於是遣平章事崔允儀等相風水還奏曰山
朝水順可營宮闕王然之 九月己未王還宮 唐
申遣崔允儀知奏事李元膺內侍朴懷俊等創別宮
于白州懷俊性苛刻徵丁夫于西海道日夜催督不
日告成賜闕名重興殿額大化術者私語曰此道詵
所謂東方客處舉頭掩來之勢創闕于此恐有危亡

之憲 癸酉王如國清寺 冬十月丁酉曲宴于安
平齋召左承宣李公升獻壽公升賦詩以進 乙卯
辛白州丙辰入御重興闕 丁巳受賀于大化殿是
日天地昏黑大風拔木王頗疑之多方祈禳 戊午
宴群臣于大化殿 十一月癸亥還宮赦 甲子門
下侍郎平章事致仕梁元俊卒 庚午設八閩會幸
法王寺 癸酉金遣高存福來賀生辰 癸未宴金
使 萬贖殿灾 十二月己丑以朴純冲權判吏部
事癸巳富閩縣人奉樹弑其父父繼母并殺家僮皆
投竈大而逃 乙未幸天壽寺
乙卯十三年春正月丙辰日暈有珥色青赤白人皆謂三

日並出 壬戌移御壽德宮 己巳燃燈王如奉恩
寺 二月壬寅王如安和寺 丙午幸大安寺國子
生李良平道謁上疏論事 丁未王率百官飯僧御
製詩一絕令詞臣和進遂幸普濟寺 庚戌移御金
存中第 辛亥還宮 乙卯王如靈通寺 三月丁
巳門下侍中王冲卒謚剛烈 乙丑王還宮 戊辰
設消灾道場於宣慶殿七日 乙亥幸玄化寺東西
兩院僧各設茶亭迎駕競尚華侈 丙子遊覽東西
兩院飯僧 夏四月庚寅大雨雹 甲辰移御霍井
洞平章事崔溱第 庚戌還宮 六月甲申朔王如
奉恩寺 戊申如安和寺 閏月己未還宮 秋七

月癸未王如安和寺 乙未還宮 八月丁巳王如國
清寺 戊辰還宮 庚辰如興王寺 九月乙酉王如
國清寺 丙申出御天壽寺 己亥還御楊堤洞平
章事文公元第 冬十月甲寅出御興王寺壬戌還
宮 十一月辛巳朔賜宰樞郎舍酒果 甲午設八
閏會幸法王寺 乙未地震聲如雷 丁酉金遣安
遠大將軍完顏德温來賀生辰己亥宴于壽昌宮
幸普濟寺 戊申幸興國寺 十二月甲寅幸普濟
寺 壬戌移御司空尹彥植第 癸亥移御楊堤洞
完 己巳幸普濟寺 乙亥出御興國寺
庚辰十四年春正月庚辰朔王在興國寺受中外朝賀壬

辰還宮 乙未燃燈王如奉恩寺 丁酉幸普濟寺

己亥日中有怪氣三日 辛丑出御興王寺 甲

辰龍死軍卒張彥弑其母斬首梟市三日 二月庚

戌朔王還宮 乙丑出御興王寺 三月壬午移御

長源亭 丙戌御西樓閱諸將鞍馬 己丑移御興

王寺道見一老嫗賜布及酒 丁酉還宮召兩府宰

樞侍臣許賞御苑花草及珍禽奇獸仍賜酒果 夏

四月壬子以樞密院副使李元膺叅知政事是日卒

戊午王如玄化寺 辛酉還幸法泉寺 五月乙

未賜崔孝著等及第 戊戌再雪 六月庚申金遣

耶律琳來 秋七月戊寅宴金使 癸未叅知政事

致仕申淑卒 己丑中書侍郎平章事崔誠卒 乙

未移御慶龍齋 八月丙午朔日食 丁未出御興王

寺 乙丑還宮 戊辰設消災道場於宣慶殿 六日

癸酉日中有黑子 王密使嬖人白子端李榮搜

取故郎中李之中玩物置諸霍井洞離宮 九月戊

寅王如興王寺 甲申幸新城藏堂後苑置酒賞菊

乙酉詣母后殿起居 冬十月庚戌幸景福寺

丙辰還幸普賢寺飯僧命造銀瓶十口重三十斤各

盛五香五葉納于寺 己未御普賢院樓賜弓者布

人一匹絲二兩 庚申入御寺樓親賜行旅飯羹

辛酉亦如之 壬戌還宮還幸慶龍齋 乙丑飯僧

三萬于毳庭三日 壬申出御興王寺 十一月丁
丑還宮 辛卯金遣高通來領生辰 乙未宴金使
于大觀殿

己辛
十五年夏四月癸卯朔出御長源亭 乙卯移御立
化寺 戊辰移御歸法寺 五月癸酉朔還宮 甲
申雨雹 甲午以崔惟清為奉元殿大學士 乙未
出御立化寺 丁酉兩王製喜雨詩以示儒臣 六
月癸卯王如奉恩寺 癸丑再雩 秋七月壬申朔
還宮唐寅赦 八月壬寅出御長源亭 丁未還宮
癸丑出御興王寺壬戌還宮 丁卯出御天和寺
九月丁丑移御長源亭 丁亥移御天和寺 冬

十月壬寅移御立化寺 丙午感陰縣人子和義章
等誣告鄭叔妻任氏與縣吏仁梁呪咀上及大臣王
命閤門祇候林文育按問乃子和與仁梁有隙欲陷
之也於是授子和義章于江 十一月甲戌太白晝
見經天 西北面馳報金主被弑 戊寅王還宮
壬午御毳庭觀樂 甲申亦如之 辛卯出御興王
寺 十二月庚子移御立化寺 辛亥移御興王寺
己未王還百順宮 乙丑以金永夫知門下省事
金巨公為吏部尚書崔襄偁為樞密院副使崔惟清
為中書侍郎平章事致仕李公升知尚書吏部事曹
晉若知御史臺事李德壽為翰林學士

壬十六年春正月戊辰朔日食 辛巳燃燈王如奉恩

寺 辛卯出御興王寺 二月庚戌移御天壽寺

辛亥御經筵講論經義 丁卯王如靈通寺 閏月

甲戌移御興王寺 己丑移御天壽寺 三月丙午

移御長源亭 戊午還宮 宋都綱侯林等四十三

人來明州牒報云宋朝與金舉兵相戰至今年春大

捷獲金帝完顏圖^亮刑叙罪布告中外御製書圖上曰

金虜曰亮獨夫自大弑君殺母叛盟犯塞殘虐兩國

屢遷必敗皇天降罰為夷狄戒蓋宋人欲示威我朝

未必盡如其言 己未以金巨公知樞密院事判

三司事崔襄偁同知樞密院事曹晉若為樞密院副

使燕太子賓客李公升為翰林學士金湯為右承宣

丙寅諫官伏閣上疏請罷別宮貢獻不聽王酷信

陰陽秘祝之說每於行在集僧道數百餘人常設齋

醮糜費不貲帑藏虛竭又多取私第為別宮誅求貨

財名曰別貢使宦者監領黃緣營私時旱荒疫癘中

外道殫相望 夏四月甲戌出御玄化寺辛巳還宮

甲申以久旱再雪下詔曰朕臨政願理思與群臣

同心合德日聞忠言施於有政上答天心下副民望

其文武四品以上各言將政得失民間利害以備採

擇 己丑出御興王寺 五月丁酉朔賜李繼元等

及第 己亥移御安和寺 丁巳宣旨人君之德在

於好生惡殺勒恤民隱近者因園不空民多疫癘朕
甚憫焉其赦殊死以下蠲諸道郡縣逋租發倉廩以
賑貧窮失所者兼舉清白守節者 己未官婢善化
與一孕婦爭斗粟殺之善化子為宦寺請托法司免
刑待赦直送原州有司駁奏移配紫燕島是月風旱
為甚人以為孕婦冤氣所感 六月丁卯王如奉恩
寺 辛未宋都綱鄧成等四十七人來 癸未京城
有賊三十餘人至永平門擊走門卒斬關而出 丁
亥王還宮 庚寅宋都綱徐德榮等八十九人晏世
全年一百四十二人來 癸巳移御安和寺 秋
七月壬寅王還宮 庚申宋都綱河富等四十三人

來 辛酉中書侍郎平章事致仕朴純冲卒純冲由
胥吏入內侍歷別中外遂登宰輔以勤儉自持 八
月乙丑朔出御長源亭 乙亥王還宮 庚辰出御天
壽寺 壬辰門下侍郎平章事崔允儀卒 九月甲
午朔移御長源亭 己亥移御興王寺 辛丑王之
嬖倖挾媚道密置畫雞於御床褥中事覺証告注簿
同正金義輔與內侍尹至元通謀祝詛斬義輔流至
元於無人島 癸丑移御天壽寺 冬十月戊寅移
御興王寺 十一月癸巳朔還宮 壬寅王太子加
元服 癸卯以右承宣李聃知御史臺事 丙午設
八閩會幸法王寺 戊申金遣大府監完顏興來告

即位 壬戌出御天壽寺 十二月癸未朔太白經
天四日 丙寅王還宮自是屢微行 庚午出御興
王寺 乙亥還仁智齋 壬午王還宮 己丑以李
之茂判尚書吏部事金永夫叅知政事判尚書兵部
事金巨公知門下省事戶部尚書任克忠判尚書刑
部事崔襄偁知樞密院事三司事曹晉若同知樞密
院事金永侃為樞密院副使 辛卯王御仁智齋
親製春帖子云蕩、春光好欣、物意新將修仁智
德今得德萬年春又云蔓裏明聞真吉地扶蘇山下別
神仙迎新納慶今朝日萬福攸同瑞氣連王酷信術
士改慶龍齋為仁智齋開廣增飾日興壁倖沈酣遊

戲不恤國政諫官或請毀之王輒稱夢報以拒之故
有是詩自是諫者乃止 是月遣金永侃金淳夫如
金賀極登又遣金居實謝宣諭登極

癸未

十七年春正月己亥幸仁知齋 壬寅以尚書左丞
徐淳知西北面兵馬事翰林侍讀學士崔祐甫為東
北面兵馬副使 乙巳燃燈王如奉恩寺 二月丁
卯出御普濟寺壬申還宮 乙亥幸天壽洪圓二寺
沈醉留宿從官衛士皆不得食 丁丑出御玄化寺

乙酉移御天壽寺 辛卯如靈通寺遂御玄化寺
三月丁酉移御興王寺 庚子以東面都監判官
孫應時廬墓三年詔旌表門閭 癸卯移御洪圓寺

夏四月壬戌還宮 癸酉移御館北宮 乙亥親祿
大廟赦殊死以下陞百官爵一級其執事正郎以上
官各許一子蔭職 丙子移御仁智齋五月丁酉還
宮 壬子知門下省事金巨公卒 丙辰以王璞守
司徒咸寧伯 六月庚申朔日食 甲子王微行移
御安和寺丁丑還宮 金橫賜使少府監韓綱來
秋七月辛卯宴金仗于大內 乙未出御玄化寺
乙巳宋都綱徐德榮等來獻孔雀及珍翫之物德榮
又以宋帝密旨獻金銀合二副盛以沈香 甲寅移
御天壽寺 以衛尉卿李陽實知西北面兵馬事給
事中朴育和為東北面兵馬副使有司劾陽實不合

藩鎮以徐淳仍之 八月壬戌王還宮 癸亥出御
玄化寺 甲申移御天壽寺 九月戊戌移御玄化
寺冬十月戊午朔賜李純祐等及第 丙寅地震
壬申移御仁智齋 戊寅移御館北宮 甲申王還
宮設百座會令內外飯僧三萬 十一月庚子設八
閔會幸法王寺 壬寅金遣大府監耶律章來賀生
辰 十二月庚申移御興國寺 丙寅移御仁智齋
癸酉星隕聲如雷 戊寅出御興王寺 癸未移
御天壽寺 丙戌以崔寔備知門下省事金永胤同
知樞密院事判三司事徐恭為樞密院副使
甲申十八年春正月辛卯王還宮 庚子燃燈王如奉恩

寺 白虹貫日 二月乙丑王微行移御安和寺
癸酉移御興王寺 丁丑移御興國寺 庚辰移御
館北宮 壬午移御興國寺 三月辛卯還宮 辛丑
出御玄化寺 壬寅遣借內殿崇班趙冬曦借右侍
禁朴光通如宋獻諭銅器報徐德榮之來也 丙午
將移御仁智齋法泉寺住持覺倪濬宗宮人之子備
酒饌迎駕于獺嶺院王吟賞風月與諸學士唱和未
已王被酒徑入歸法寺日已暮侍從失王所之夜半
乃還 夏四月丁巳移御玄化寺 丙寅王還宮 己
卯親禘大廟赦 五月丙戌移興國寺 丁酉移御
仁智齋 戊戌移御館北宮 丙午還宮召崔襄偁

李聃宴于修文殿又宴于賞春亭酣飲達曙 庚戌
出御天壽寺 六月甲寅朔日食太史不奏 以金
永夫為中書侍郎同平章事崔襄偁為尚書左僕射
叅知政事金永胤知樞密院事 己未移御仁智齋
癸未還宮 秋七月壬辰詔曰民惟邦本 固邦寧
比因公私土木之役民不聊生而況今宦寺等營造
屋舍競為奢麗有司其悉禁斷 甲午移御安和寺
丁未還宮 八月辛酉王微行移御安和寺 庚辰
移御景福寺 辛巳盜竊大廟祭器 九月丁亥移
御玄化寺 乙未移御志和齋觀擊毬 守司空梓
卒 冬十月癸丑朔賜金元禮等及第 丁巳太白

畫見 丁卯移御景福寺 十一月庚寅移御館北
宮 甲午設八閩會法王寺 白虹園日南西北各
有珥如日相貫 丁酉移御清州洞宮 金遣大府
監烏骨論守貞來賀生辰 庚子移御守司空任克
忠第 丙午移御館北宮 閏月戊午移御任克忠
第 甲子移御景福寺 乙亥移御淨業院 戊寅
還宮遣金莊如金謝賀生辰 十二月丁亥移御館
北宮 庚子出御景福寺 壬寅以崔襲偁判兵部
事太子太傅金永胤為吏部尚書樞密院使徐恭為
兵部尚書同知樞密院事任克忠為太子太保
乙酉十九年春正月辛卯朔王還宮 庚申出御玄化寺

辛酉還宮設無遮大會 乙丑燃燈王如奉恩寺
庚午出御玄化寺癸酉還宮 丙子出御觀山寺右
正言趙文貴諫不聽 丁丑移御普賢院 戊寅幸
慈孝寺 二月辛巳還宮 乙酉出御敬天寺 丙
戌移御興天寺戊子還御敬天寺己丑還宮 乙未
出御洪圓寺 丁酉移御天和寺 庚子以蔡仁為
薦揚軍上將軍攝兵部尚書克東宮侍衛姜文俊為
殿中監興威衛攝上將軍太子右清道率府率鄭元
寧為龍虎軍大將軍兼太子右監門率府率梁淑為
大府卿神虎衛大將軍兼太子右衛率府率 甲辰
移御洪圓寺 丙午移御天和寺 三月庚戌朔移

御景福寺 辛亥金大夫營主遣銳卒七十餘人攻
麟靜二州境內之島執防守靜州別將元尚等十六
人以歸 己未移御洪圓寺 辛酉移御普賢院天
寒雨甚衛卒凍死者九人 戊辰還洪御圓寺 庚
午移御敬天寺 辛未移御仁濟院 甲申內侍左
右番爭獻珍玩時右番多執袴子弟因宦者以聖旨
多索公私珍玩書畫等物又結綵棚載以雜伎作異
國人貢獻之狀獻青紅蓋二柄駿馬二匹左番皆儒
士不慣雜戲其所貢獻百不當一耻不及借人駿馬
五匹以獻王皆納之賜左番白銀十斤丹絲六十五
斤賜右番白銀十斤丹絲九十五斤其後左番不能

償馬之直日被微債時人笑之

乙酉移御景福寺

戊子移御奉靈寺即鄭誠祝釐之所誠饗王供辦

過仁濟觀瀾遠甚王醉自吹笙因問知音者左右以
及第李鴻升對郎召至前命吹笙笛遂然歎以為相
見之晚命屬內侍 庚寅還御景福寺 戊申王泛
舟板積窰池與宦者白善淵王光就內侍朴懷俊劉
莊等置酒張樂遂登水樓召崔襄偁徐恭等同飲又
召禮成江蒿工漁者陳水獻以觀賜物有差夜二鼓
還館北宮扈從官迷路僵仆相續 五月庚戌移御
景福寺 乙卯雨雹 辛酉以李之茂為門下侍郎
同中書門下平章事崔襄偁為中書侍郎同中書門

下平章事金永胤為尚書左僕射徐恭知樞密院事
金勗為副密院副使 甲子移御玄化寺 六月甲
午慮囚 癸卯移御祇候任孝誠第 秋七月庚戌
移御司空任克忠第 庚申移御普賢院 八月癸
未移御玄化寺 丁亥移御景福寺 癸巳還御玄
化寺 冬十月乙酉移御普濟寺 十一月壬子移
御館北宮 戊午移御興國寺己未還宮 設八閤
會章法王寺 庚申出御普濟寺 金遣少府監亮
顏章來頒生辰 甲子王還宮即幸興國寺 丙寅
移御普濟寺 庚午潛行移御景福寺 十二月丁
丑移御館北宮丁酉還宮 乙巳以崔褒攝守太保

判尚書吏部事金永胤知門下省事判尚書兵部事
太子少傅任克忠為太子少師徐恭判三司事金勗
為禮部尚書李公升為樞密院副使太子賓客評洪
材為國子祭酒左諫議大夫

丙戌

二十年春正月己未燃燈王如奉恩寺 庚午出御
玄化寺 二月癸未幸普濟寺燃燈一萬於羅漢堂
戊子還御玄化寺 三月乙巳幸金身寺設齋
夏四月甲申王與僧覺視夜宴於聖壽院乃覺視所
創也 戊子召覺視觀月賦詩 甲午移御館北別
宮嘗奪迎恩館北人家增加修營以為別宮 丁酉
平章事崔子英卒輟朝三日 辛丑王宴于清寧齋

即玄化寺東嶺新營別館也夜五鼓乃還 六月癸酉王如奉恩寺 壬午御玄化寺長興院賜朴紹等及第 秋七月甲辰移御清寧齋 戊申移御普濟寺 己酉金橫賜使尚書右司郎中移刺道來王還宮迎詔仍宴來使幸普濟寺 乙卯王自普濟寺至關門設帳微行入御修文殿翌日亦從帳中還御普濟寺自後凡遊幸皆設帳於道 八月丁丑移御念賢寺 甲申移御景福寺 九月庚戌移御館北別宮 壬戌移御普濟寺 甲子還館北別宮 冬十月庚辰還御壽昌寺 戊子出御普濟寺 壬辰移御星北洞別宮本侍郎金敷時私第也 丙申還御

館北別宮

戊戌飯僧三萬于毬庭

庚子設百座

會于修文殿幸歸法寺遂如玄化寺幸僧性文房

十一月癸卯夜宴清寧齋寵宦李榮鳩聚錦繡金錦

花真香犀角馬騾羔羊鳧等奇玩之物陳列左右

以迎大駕王命侍從將卒射上將軍康勇中的賜羅

一匹納三匹張女樂酣飲至四鼓還性文房 丙午

幸歸法寺普光院夜半乃還 癸丑設八閤會幸法

王寺 丁巳還御壽昌宮 金遣大府監耶律成正

來賀生辰 庚申宴金使于大觀殿 十二月癸酉

移御館北宮

丁亥二十一年春正月甲辰全羅州路按察副使尹平壽

獻銀八十斤平壽割民膏血以要恩寵時議鄙之
癸丑燃燈王如奉恩寺夜還金敦中馬突觸騎士矢
房矢落輦傍王驚愕以為流矢疾馳還宮城戒嚴
甲寅命有司榜于市曰有能告賊者勿論有無職東
班正郎西班將軍隨自願除授公私職隸亦許叅職
并給銀二百斤女則給銀三百斤王猶慮未得又命
懸黃金十五斤狼瓶二百口於街衢購捕乙卯屯
府兵于闕庭以備不測自是選取勇力者號為巡檢
分為兩番常著紫衣持弓劍分立仗外不避雨雪夜
則巡警達曙丙辰諫官伏閣言事五日王從之
二月癸未幸神農院壬辰移御館北宮三月己

亥朔王如靈通寺

己未王冒雨幸長興院與覺倪

夜飲命右丞宣金敦中賦詩

辛酉王微行至金身

窟設羅漢齋還玄化寺與李公升許洪材覺倪等泛

舟聚美亭南池酣飲極歡先是清寧齋南麓構丁字

閣扁曰聚美亭之南澗築土石貯水岸上作茅亭

鳧雁蘆葦宛如江湖之狀泛舟其中令小僮掉歌漁

唱以恣遊觀之樂初作亭役卒私費糧一卒甚貧不

能自給役徒共分飯一匙食之一日其妻具食來餉

且曰宜召所親共之卒曰家貧何以備辦將私於人

而得之乎豈竊人所有乎妻曰醜誰與私性拙安

能盜但剪髮買耳因示其首卒嗚咽不能食聞者悲

之 壬戌幸歸法寺東嶺與侍臣置酒 癸亥白氣
貫日 夏四月戊辰朔日食 乙亥移御普賢院
戊寅以河清節幸萬春亭宴宰樞侍臣於延興殿
大樂管弦坊爭構綵棚樽花獻仙桃拋毬樂等聲伎
之戲又泛舟亭南浦泂流上下相與唱和之至夜乃
罷亭在板積窰初因窰亭而營之內有殿曰延興南
有澗盤回左右植松花竹草其間又有茅亭草樓凡
七有額者四曰靈德亭壽御堂鮮碧齋玉竿亭橋曰
錦花門曰水德其御船飾以錦繡假錦為帆以為流
連之樂窮奢極虎勞民費財凡三年而成 庚辰移
御長興院賦詩命詞臣和進 壬午王弟僧冲職

享王於清寧齋召覺倪及侍臣同飲晚泛舟衆美亭
南池遊賞至夜 癸未又宴于清寧齋賦詩令群臣
和進 丙戌移御館北宮 丁亥隕霜 癸巳幸承
宣李聃別墅 五月戊戌朔幸臨津縣宿江邊僧舍
翌日與宰樞金永胤徐恭李公升崔溫承宣李聃許
洪材金敦中等泛舟南江中流遡泂竟日為樂司諫
林宗植侍御高子思乘晚被召赴宴至夜半移御普
賢院侍從不及子思醉不得行 壬寅移御李聃別
墅 戊申移御普賢院 己酉幸慈孝寺 癸丑幸
長湍縣應德亭舟中結綵棚載女樂雜戲泛江中流
凡十九艘皆飾以綵帛與左右侍臣宴樂至五更乃

登西岸張侯置燭其上命左右射無中者內侍盧永
醇曰待聖人中的然後臣等中之王射之即中燭左
右呼萬歲李聃從而中之賜綾羅絹留二日觀水戲
丁巳自應德亭秉燭乘舟盛張衆樂過皇樂亭置
酒夜至普賢院 辛酉幸萬春亭置酒夜入李聃別
墅 壬戌入御安和寺 丙寅還館北宮 六月
戊辰王如奉恩寺遂幸李聃別墅 庚午移御玄化
寺先是王聞城東沙州龍淵寺南有石壁數仞削立
臨川曰虎巖流水停瀉樹木蒼蔚命內侍李唐桂裴
衍等構亭其側名延福竒花異木列植四隅以水淺
不可舟築堤為湖其地白沙水勢強悍雨則輒毀隨

毀隨補晝夜不息人甚苦之是日與宰相侍臣宴于
亭上極歡乃罷 庚辰還御館北宮 秋七月丁酉

幸歸法寺遂御玄化寺馳馬至纈嶺茶院從臣皆莫

及 八月戊申移御歸化寺 己未幸南京 甲子

駕至加頓院廣州儀衛樂部以迎仍獻馬二匹肩

輿一具陽傘三柄 九月乙丑入御南京留守宮構

禮迎駕獻陽傘二柄馬二匹牛一頭是夜命內侍及

重房射候中者賜綾絹 己巳三角山僧伽文殊藏

義等寺 庚午宴群臣于延興殿賜馬人一匹是日

發南京 癸酉至坡平縣江宴群臣于舟中侍臣皆

醉失儀樞密院使李公升倒載駕前 乙亥王還

京都赦二罪以下詔加名山大川爵號內外八十以上篤廢疾鰥寡孤獨孝順節義孝弟力田者皆賜物南幸隨駕軍將及肅令兩殿侍衛員將侍學公子皆加職 冬十月己亥出御龍興寺 丙午移御興王寺 十一月戊辰移御幸生院 遣禮賓少卿崔傑如金謝賀生辰報前年耶律成正之來也 庚辰金遣少府監李衛國來賀生辰

戊

二十二年春正月甲子朔王御館北宮受賀賦詩示

儒臣 丁丑燃燈王如奉恩寺 戊寅宴群臣轍夜至翌日日中乃罷 庚辰移御興王寺 甲申移御抽串江書齋丙戌還宮 己丑以江陽伯域之女為


太子妃 癸巳王以夢中所製詩示群臣其末聯云布政仁恩洽三韓致太平臣僚稱賀 二月乙未飯僧一千于宣慶殿 辛丑移御館北宮 丁未進江陽伯域為候 三月辛未移御慶明宮 丁丑幸西京時王母弟翼陽平涼二候頗得衆心王疑有變移御以避之 庚辰駕至平州崇壽院西亭召宰輔侍臣行酒泛小舟于南溪泝流遊賞至脯乃罷 壬午往潭黃州洞仙驛宴于碧波亭又泛舟南溪至夜宴樂賜樂工及雜戲人白金三斤 乙酉至西京 丙戌謁太祖真殿 丁亥飯僧于內庭 戊子御觀風殿下教曰朕聞稿京萬世不衰之地後之王者臨御

于此頒下新教則國風清明小民安泰朕即政以來
萬機實繁未暇巡御今以日官所奏來幸此都將欲
革舊易新復興王化採古聖勸戒之遺訓及當時救
弊之事務頒布新令一奉順陰陽近來發號施令反
乖陰陽以是寒燠失序民物不安自今以後賞以春
夏刑以秋冬凡所行事一依月令一崇重佛事時當
末季佛法漸衰凡祖宗開創禪補寺社及古來定行
法席寺院與別祈恩寺社如有殘弊主掌官等隨即
修葺一歸敬沙門近來僧徒貪生謀利比皆是今
欲激濁揚清以救其弊其有清高僧徒遁迹山林者
所在官搜訪薦奉一保護三寶其佛舍珍寶米粿雜

物近因內侍院及諸司奏取費用僧徒嘆怨自今憲
臺遍令曉諭禁斷一遵尚仙風昔新羅仙風大行由
是龍天歡悅民物安寧故祖宗以來崇尚其風久矣
近來兩京八閩之會日戒舊格遺風漸衰自今八閩
之會預擇兩班家產饒足者定為仙家依行古風致
使人天咸悅一救恤民物國家特立東西大悲院及
濟危寶以救窮民然近來任是官者率非其人故或
有飢饉不能存者疾病無所依附者未能收集救恤
於寡人愛民之心何如哉自今吏部擇能堪其任者
委之使憲臺糾察能否以為勸懲教下百官庭賀是
日宴宰樞近臣於清遠樓相與唱和為樂 夏四月

癸巳幸興福寺泛龍船於南浦宴宰樞近臣
辛洪福寺又宴于多景樓賜水戲人白金二斤
己亥宣旨曰西都乃祖宗巡御之地自經乙卯之亂國
冢多事累年未得巡鄉今欲舊染汚俗咸興維新亦
將延基保業乃幸是都迎駕時有所違誤為有司所
拘執者公徒私杖以下贖銅微瓦並皆放餘又乙卯
年緣坐配南界者亦令放還諸領府三衛軍迎駕有
勞者給大倉典廩庫米人一碩
庚子宴群臣于長
樂殿
壬寅以河清節又宴於長樂殿
甲辰幸永
明寺泛舟于大同江
乙巳御浮碧樓觀神騎軍弄
馬戲賜白金二斤
丙午又御浮碧樓觀水戲賜白

金布物宴宰樞侍臣于舟中夜分乃罷
秋至自西
京
冬十一月甲戌金遣完顏請來頒生辰
丁丑
耽羅安撫使趙冬曦入覲耽羅險遠攻戰所不及壤
地膏腴經費所出先是貢賦不煩民樂其業近者官
吏不法賊首良守等謀叛逐守宰王命冬曦持節宣
諭賊等自降斬良守等二人及其黨五人餘皆賜執
帛以撫之
是月遣禮賓少卿徐師如金謝賀生辰
十二月遣司宰少卿陳玄光如金賀正衛尉少卿
崔允偓獻方物



卷一